



## Xihambukelo xa mugodi lexi nga ni mpfulela-moya lowu antswisiweke (VIP)

Thyaka ri wela emugodini laha swibori swi bolaka ivi mati ma nwela eka misava leyi nga kusuhi. Moya lowu ngenaka hi le henhla nkarhi hinkwawo ni lowu ngenaka hi phayiphi ya mpfulela-moya wu susa ni ku humesela gasi eka atimosifiya. Hikuva ndzeni ka yona ku ntimile, switsotswana leswi ngenaka emugodini swi ngokeriwa eka rivoni leri nga ehenhla ka phayiphi ya mpfulela-moya ivi ti phasiwa hi xikirini lexi hahaka. Ntsengo: wu nga suka eka R600 – R3000 ku ya hi leswi mindyangu yi swi ngenisaka ni mathiriyali leyi tirhisiwaka. Ntirhiso: R60 loko yi halatiwa kan'we endzhaku ka malembe ya nthanu.



## Xihambukelo xa migodi mimbirhi lexi nga ni mpfulela-moya lowu antswisiweke (VIDP)


Maendlelo ya kona ma fana ni ya xihambukelo xa VIP. Ku tirhisiwa mugodi wun'we ku fika loko wu salele hi kwalomu ka mitara yin'we leswaku wu tala. Thyaka ni mpfulela-moya swi pfarwa hi ku hetiseka ivi ku tirhisiwa mugodi lowun'wana. Thyaka leri nga ndzeni ka mugodi lowo sungula ri ta humesiwa endzhaku ka malembe lama nga riki ehansi ka mambirhi, loko leswi nga ndzeni swi nga ha ri ni nghozi. Ntsengo: R2 500-R4 500 ku ya hi leswi mindyangu yi swi ngenisaka. Ntirhiso: R35-R135 endzhaku ka malembe mambirhi ku ya hi loko ku tirhisiwa masipala wa ndhawu, kumbe vandyangu va pfumela ku khoma thyaka, kumbe tindlela tin'wana to cukumeta thyaka.



Khumbi ra le xikarhi leri nga ni furhu naswona ri pfalleriwile


# Swihambukelo leswi quvaka ku katsa ni xihambukiso xa murhundzu ni tisisteme leti omisaka

Thyaka ri nghena exhibyeni kasi swibori leswi fanaka ni nkuma wa tihunyi, miroho, leswi cheriwaka nkarhi wun'wana ni wun'wana endzhaku ka loko xihumbukelo xi tirhisiwile leswaku ku nuhela ni ku quvisa thyaka ni/kumbe ku lawula ndzhongho ni ku hatlisisa ku quva. Murhundzu wu hambukisiwa hi ku tirhisa xitshamo xa xipecele lexi endleriweke sweswo. Leswi swi nga hlengeletwa ivi swi tirhisiwa tani hi quva. Eka tisisteme to omisa, moya wu pfuneta ku omisa thyaka. Ntsengo: (wa hambanahambana ku ya hi sisteme ni leswi nghenisiwaka hi mindyangu): R3 000-R4 000 eka tisisteme ta mabindzu. Ntirhiso: R35-R5000 ku ya hi loko ku tirhisiwa masipala wa ndhawu, kumbe vandyangu va pfumela ku khoma thyaka, kumbe tindlela tin'wana to cukumeta thyaka.




## Xihambukelo xo haxa mati kumbe xo kucunga hi mati

Endzhaku ka loko xi tirhisiwile pani ya kona yi fanele ku kucungiwa hi tilitara ti nga ri tingani ta mati, mati lama salaka epanini ma pfalela risema, tinhongani ni tinsuna. Ntsengo: R2 000 – R3 500 kambe wu nga tlakuka loko misava ya kona yi nga lulamelangi mphomiso. Ntirhiso: R150-R300 hi lembe laha misava yi lulameleke mphomiso.



## Xihambukelo xo kucunga hi mati (Aqua-privy) ni xo lovekela

Xihambukelo xa Aqua-privy xi lava mati yo tala leswaku mugerho wu tshama wu nwerile. Thyaka ri nga nghenisiwa eka xihlayiselo lexi pfariweke kumbe eka sisteme yo hlengeleta thyaka lero tiya ni yo lovekela leswaku ri khuluka. Ntsengo: R2 000-R3 500 kambe wu nga tlakuka loko misava yi nga lulamelangi mphomiso. Ntirhiso: R150-R300 hi lembe laha ku nga ni mphomiso wa misava ya le hansi.




# Xihambukelo xa goji ra mbholelo ni xo loveka kumbe lexi nga ni phayiphi leyintsongo ya nkululu wa mati

Thyaka leri humaka eka xihambukelo ni mati ya thyaka ya mindyangu swi kucungeriwa epotweni laha ri fikaka ri tshama kona tiawara leti nga riki ehansi ka 24 ku endlela leswaku ri rhanga ri gayeka. Swihalaki leswi cheriweke murhi swona swi huma ethankini ivi swi nghena eka sisteme ya mphomiso kumbe yo loveka. Thyaka leri nga gayeka ri nghena ethankini ku fika loko ri ta tala. Loko se ri tele thanki ra susiwa. Ntsengo: R7 000-R8 500. Ntirhiso: R200-R450 ku ya hi laha ri humesiwaka hi kona.


## Xihambukelo lexi nga ni phayiphi leyintsongo

Xihambukelo lexi xi fana ni xihambukelo xa goji ra mbholelo ni xo loveka handle ka leswaku swihalaki swa khuluka ivi swi huma hi phayiphi leyintsongo ku ya eka ndhawu laha swi hlantswiwaka kona (ndhawu leyi yi nga va yi ri etlhelo eka ndhawu yin'wana leyi fikeleriwaka ntsena hi nkululu kumbe hi thanki). Ntsengo wu ringana ni wa xihambukelo xa goji ra mbholelo kumbe xo loveka loko ku ri ku sisteme ya thanki ra mbholelo a yi karhi yi ri kona, loko swi nga ri tano ntsengo wa kona wu le henhla.




# Thanki ra nhlayselo

Loko ri nga si tekiwa leswaku ri ta hlantsiwa, thyaka ri kucungeriwa ethankini laha ri hlamburiwaka kona leswaku ri nga hlangani ni mbangu lowu nga kusuhi. Ntsengo wa kona wu ya hi vukulu bya thanki ni leswaku ri halatiwa kangani. Ntsengo: R2 000- R5 000 ku ya hi xivumbeko xa le henhla ni vukulu bya thanki. Ntirhiso: R550 hi ndyangu elembeni (loko ntsengo wo halata thyaka wu ringanisiwela eka R181 thanki rin'wana ni rin'wana) loko thanki ri halatiwa kanharhu hi lembe.



# Nkululu wo ka wu nga entangi


Thyaka ra le xihambukelweni ni mati ya thyaka ya mindyangu swi kucungiwa hi mati matsongonyana loko ma pimanisiwa ni ya nkululu wa ntolovelo leswaku swi ya eka sisteme ya nkululu leyi nga kona eka ndhawu yoleyo, swi ta kucungiwa tano ku ya eka ndhawu yo hlantswela kumbe eka nkululu wa xitarata leswaku swi ya eka ndhawu leyikulu yo hlantswela eka yona. Ntsengo: R2 500-R3 000. Ntirhiso: R300-R450 ku ya hi leswi nghenisiwaka hi ndyangu.



Xihambukelo xo haxa mati lexi nga hansi

Xirimbana xa mati

## Ndhawu ya ku hlantswela mati lama nga thyaka



Nkululu lowu sukaka eka yindlu leyi nga kusuhi



Bokisi ra nkambelo

Bokisi ra mahlangano

# Xihambukelo lexi heleleke xa nkululu wa mati

Thyaka ra le xihambukelweni ni mati ya thyaka ya mindyangu swi kucungiwa hi mati yo tala leswaku swi nghena eka sisteme ya nkululu leyi swi yisaka eka ndhawu yo hlantswela. Mihlovo ya tindhawu leti yi hlayile naswona ti hlantswa swinene leswi khulukaka swi nga si humeseriwa eka mbangu wa mati. Ntsengo: R6 000-R7 000 loko hi tekela enhlokweni ndurho wa swilo swikulukumba ni nkululu. Ntirhiso: R400-R800 hi lembe.

## Ndhawu ya ku hlantswela mati lama nga thyaka



Mihlovo leyi nga  
bumabumeriwiki

~~Xihambukelo lexi nga  
antswisiwangiki xa mugodi  
Xihambukelo xa tikhemikhali  
Xihambukelo xa bakiti  
Xihambukelo xa hinkwavo  
(xa nhlengelo)~~

Hikokwalaho ka yini swi  
nga bumabumeriwi?

Swi vanga mavabyi  
Swi enelangi ku tirhisiwa emindyagu

I swa xinkarhana

